

LA
PUBLICATION
DE LA PAIX EN-
uoyee par le Roy en la ville
de la Rochelle le 11. No-
uembre 1622.

*Avec la reduction & submission du corps
de la ville & habitans d'icelle.*

Ensemble la publication d'icelle en
l'armee de Monseigneur le
Comte de Soissons & ar-
mee Naualle.



A PARIS,
Ches Melchior Mondiere rue de la vieille
Bouclerie au gros Tournois.
M. DC. XXII.

Avec Permission.

LA MAGISTRATURE

DE LA PAIX ET DE LA JUSTICE

DE LA VILLE DE PARIS

DE LA SEINE

DE LA MARNE

DE LA LOIRE

DE LA GIRONDE

DE LA GARONNE

DE LA DORDOGNE

DE LA HAUTE GARONNE

DE LA HAUTE LOIRE

DE LA HAUTE SEINE

DE LA HAUTE MARNE

DE LA HAUTE LOIRE

DE LA HAUTE SEINE

DE LA HAUTE MARNE

DE LA HAUTE LOIRE

DE LA HAUTE SEINE

DE LA HAUTE MARNE

DE LA HAUTE LOIRE

DE LA HAUTE SEINE

DE LA HAUTE MARNE

DE LA HAUTE LOIRE

DE LA HAUTE SEINE



LA PVBLICATION DE
la Paix enuoyee par le Roy à la ville
de la Rochelle le 11. Nouembre.

Avec la submission du corps de ville
& habitans d'icelle.

Ensemble la publication d'icelle en
l'armee Nauallé.

LA ville de la Rochelle est
 vne des principales du
 Royaume pour la conse-
 quence, & d'autant plus pour le voi-
 sinage de l'Angleterre & de l'Espa-
 gne, & de la liberté d'accez; à raison
 dequoy, au rapport des histoires an-
 ciennes, mesmes de celle de Froissart
 nos Roys se sont tousiours portez
 avec vne passiō incomparable pour

la mettre & conseruer sous leur obeyssance, & prenant soing à ceste conseruation, ils ont faict voir aux habitans d'icelle de quelle affection ils desiroient la fauoriser, & de faict ils l'ont declaree inalienable & inseparable de la Couronne, soit par partages, par appanages, par engagement ou autrement.

Outre toutes ces faueurs & prerogatiues, leurs Majestez a concedé ausdits habitans vn grand nombre de priuileges & d'exemptions, qui ont esté verifiees tant en la Cour de Parlement qu'en celle des Aydes, à fin qu'ils se continssent tous en leur deuoir, & dans le destroit de l'obeyssance, & à fin qu'ils veillassent à ce que l'estranger ne peust mordre sur l'autorité Monarchique de l'Estat de ce Royaume.

Ainsi sous le bénéfice de ces con-

ditions les Rochelois ont vescu de temps en temps, & n'ont voulu recognoistre estre tributaires du deuoir & obeyssance à d'autres Roys qu'à ceux de France, lesquels aussi les ont tousiours maintenus & conseruez dans vn repos sans auoir souffert qu'ils ayent esté oppressez en leurs consciences. Ce qui a esté confirmé par la clemence d'Henry le Grand que Dieu absolue, les laissant iouyr de la douceur de ses Edicts, & leur donnant à temps ladite ville à fin de n'estre troublez ny inquietez en façon quelconque.

Mais comme les reuolutions des saisons & des anneés font changer de face à la terre, & que les gronde-mens des tonnerres espouuantent par fois les plus fortes & puissantes citez; de mesme le Roy heritier des vertus & de la Couronne de feu son

père, se voyant à l'auril de son aage
 aiguillonné par les ressentimens
 d'un courage tout digne de s'en estre,
 il a voulu montrer que les grandes
 natures produisent d'ordinaire de
 grands effets, & qu'il n'appartenoit
 qu'aux lasches & pusillanimes de se
 tenir à l'abry des contentemens d'une
 Cour magnifique, sans auoir au
 prealable gousté & sauouré les ru-
 des & violents exercices de la guer-
 re, auxquels la mauuaise fortune a
 voulu pour le bien commun de toute
 la France que sa Majesté fut em-
 ployee contre les propres sujets, s'estant
 avec par trop d'indiscretion
 souleuez & roidis contre son au-
 thorité, à lors qu'elle pensoit benig-
 nement les proteger, cherir & con-
 seruer, ainsi qu'il est apparu aux au-
 tres qui se sont contenus dans le de-
 uoir: Tellement que parmy toutes

ces rebellions, la ville de la Rochelle
comme le ressort, ou le bureau ge-
neral ou toute la faction se rappor-
toit, s'est glissée & laissé choir dans
le precipice, iusques là que non con-
tens d'auoir esté par l'espace de deux
ans & plus oppressee par les courses
& par les trauaux de Monsieur le
Duc d'Espernon, elle a voulu enco-
res resister, & par opiniastrété toute
auenglee au lieu de fieschir aux com-
mandemens de sa Majesté, elle a
souffert d'estre assiegee par mer &
par terre, & en fin en la deffenfue a
monstré qu'elle auoit nourry dans
ses murailles des hommes qui ne
manquoient ny de courage, ny d'ex-
perience: Toutesfois comme le des-
sein de nostre bon Roy n'a iamais
esté en sa naissance que tout iuste,
n'ayant desiré de ses suiets que le
cœur & l'affection, aussi ayant esté

contraint de prendre les armes pour
 entrer en possession de son patri-
 moine, le grand Dieu a voulu con-
 duire son bras contre ceux qui se
 sont opposez à ses iustes inten-
 tions, ne plus ne moins qu'au fort
 Samson quand il defit les Philistins,
 & à fin de faire voir que son cœur est
 le geste & le refuge des plus rares
 perfectiōs digne d'un Roy, est qu'a-
 pres luy auoir mis la victoire en la
 main, & luy auoir preparé les lau-
 riers pour luy ceindre le front (ainsi
 qu'il se pratique à l'endroit des vi-
 ctorieux & des conquerans) il a pre-
 feré la clemence à sa iustice, & le par-
 don à ceux qui l'auroient offensé,
 aux ressentimens & à la vengeance
 telle que chacun esperoit deuoir ar-
 riuier: si bien qu'apres auoir souffert
 les trauaux que la guerre cause à ceux
 qui s'y exercent, apres auoir reduit

& soubmis à son obeissance quatre vingt tant de villes, soufleuees contre son autorité, puni celles à qui l'audace & la trop grande presumption ne pronostiquoient que leur malheur, en fin voyât à ses pieds les auteurs de ce blasmable parti, requerer humblement le pardon & la misericorde, en fin ce bon Roy s'est laissé emporter à ses inclinatiōs naturelles & a remis lescits auteurs en tous leurs grades, charges, & pensions, les assurant d'oublier leurs fautes passees, & quand aux villes qui tenoient bon au preiudice du deuoir, en consideration de ce qu'elles ont offert leurs clefs, & protesté toute sorte d'obeissance, sa Maiesté les a pareillement receuës à sa misericorde, & leur a volontairement accordé les mesmes franchises, libertez & immunitez, dōt elles iouyf

soyent auparauant les troubles, entendant neantmoins par ce traicté qu'il ny auroit plus d'autres fortifications que les murailles & les fossez : Aussi n'est-il pas raisonnable que la France soit reuestuë de tant de forteresses, si ce n'est aux villes frontieres, où les Estrangers pourroient au deffaut de ce anticiper sur cest Estat.

Ainsi au camp de Montpellier le Roy a signé les articles de la paix, qui sont generaux par toute la France, ausquels neantmoins les habitants de Montauban ny des Rochellois n'auoient consenti, ny adheré feignant vouloir persister dans la rebellion: Toutesfois apres auoir tenu conseil les vns & les autres sur l'importance de cest affaire, en fin ils ont aduisé & trouué bon, puis que le Roy promettoit la liberté de

conscience, de se reduire tous à son
obeissance, & protester à sa Maiesté
toute sorte de seruice : Ce qui s'est
veu ces iours passez de Montauban,
par la veritable relation & publica-
tion qui en a esté faiëte.

Quand à la ville de la Rochelle si-
tost quelle a receu la despeche de
monfieur de Rohan, qui contenoit
les articles de la Paix, qui fut le vn-
zième du present mois de Nouem-
bre, & qu'un Gentil-homme de la
part du Roy luy a faiët assauoir le
contenu d'iceux, en mesme temps la
publication en a esté faiëte par tou-
te la ville, & dans l'armee de mon-
seigneur le Côte de Soissons, côme
aussi en l'armee naualle, & le mes-
me iour les Deputez de ladite ville
sont allez trouuer ledit sieur Com-
te pour luy faire les excuses de leur
rebellion, & pour le supplier tres-

humblement d'entrer dans la ville pour se rafraischir, à quoy il ne desira de consentir pour son regard, ains leua le siege seulement & se retira à Niort, où le lendemain lesdits Deputez d'allerent trouuer, & luy firent vn riche present de la part de la ville digne de sa grandeur.

Pour l'armee aucuns des soldats y entrerent pour la visiter, & pour s'y rafraischir pareillement, en consideration duquel changement il y eust de grandes resiouyssances & de grands applaudissement par les habitans, lesquels attendent de iour en iour qu'on leur enuoye la verification de l'Edict afin de rompre l'Assemblée.

Dieu veuille que toute la France subsiste en ceste liberté nouuellement arriuee par le moyen des accords & traicte de paix, afin que le

Roy estant cogneu par ses subiects
de l'une & l'autre Religion pour l'v-
nique heritier de la Couronne , il
puisse exercer & distribuer sa iustice
esgalement à vn chacun, & par ainsi
sous le benefice d'une telle concor-
de , infailliblement l'on verra le
Royaume le plus florissant de tous
les Royaumes de la terre.

F I N.

P E R M I S S I O N.

IL est permis à Melchior Mòdiere
marchant Libraire, de faire im-
primer. *La publication de la Paix en-*
uoyee par le Roy en la ville de la Rochelle,
& deffences à tous autres de l'im-
primer ou faire imprimer sur les
peines portees, &c.

Signé, DE BAILLEVL



